

Oi mohoing ngaavi,

Kopivosian Toun Vagu,

Do maso tokou tumimpuun diti toun vagu, monongkotohuod tokou di Kinoingan tu minanaak dotokou do vinakas om katamaan do monoguvang do ponginaman nangakatahib, om mokibalakat tokou Disido do grasia Dau do montok ponguvang dotokou diho touvi ngaavi, miampai inuhi om kahansanan. Vookon nopo do ponginaman ngaavi tinoguvang dotokou id dii toun nakatahib nga ii kalaalahano do kopongian'an katekisim pino;ia dotokou doid tuhun dotokou tongomuhok. Suminikap o katekis ngaavi om mokiki'ia ngaavi do minundahiu mantad kalaalahano koubasan, do popo'ia om moki'ia, om undahiu nopo kuminaa doid kalaalahano oitan do 'online'. Okonko toimoimo do ouhan iti do montok katekis om mokiki'ia ngaavi om montok mohoing ngaavi ponogi. Om iti nodii do monongko-au-giigina zou doid mohoing ngaavi do montok sakadai om sokodung dioho do papatantu do pointihombus o tanak ngaavi dioho do mongiho do kotumbazaan dioho, do id diti timpu ngaavi potuu diti ponginaman ngaavi.

Toun Kavavagu do Katekitikal

Kopongia'an kotumbazaan doid tuhun tongomuhok dotokou nopo nga boogizan tagazo doid kopolosizon om tuddu di Eklizia. Om iti nodii, do iti nopo nga au miho do aambanan toi au-hizoon sundung potuu do ingkaa iho ponginaman ngaavi. Montok diti toun 2021, potimpuunon, do oluai no o kopongia'an ngaavi katekism do id saviavi diosis. Do baabaino nopo, nga au tokou koiho do komogoton do kobuubuzuo diho Covid-19, mooi do kaanu tokou do papapanau do kopongia'an ngaavi id suang kalas/sikul. Nung au nopo nodii komogot, nga maza nodii o mokiki'ia ngaavi, doid diho oitan do 'online': Zoom om Googel Meet om suvai ngaavi po. Iti nodii do ohizab zou do popoboos toniibo do ahansan zou do hizoon kozo do mohoing ngaavi o kopongia'an katekisim doid tanak ngaavi dioho.

Popolijistol do Tanak nu, montok Katekisim

Kogumuan paroki do nokopopotounda no do popolijistol do mokiki'ia ngaavi katekism, toun 2021. Unsubon dotokou o mohoing ngaavi, ii au po nokopokilijistol diti, do ongoi no pokilijistol. Id kogumuan kaantakan, do pavazaan diho online o kopolijistahan diti, kaampai no o id Borang Google. Au monguo do id nunu noopo o kalalahano popolijistol, nga tonudon no gia o ponuu ngaavi mantad faado paroki om tinimungan mongingia-katekism, kokomoi doid diti. Sokio no do kumoinsan nu nogi do popolijistol do tanak toi tanak ngaavi nu, doid dii paroki, om au ko koiho do ingkuo do muzu, nga muot gia doid upis paroki, kokomoi diti.

Kaampazan do Tanak nu doid Balajal maza Online

Kivaa piipio ahal maan pomusaavai:

#### i. Kaampazan id balajalan katekism

Namot do poingiho tokou do okonko potitikid tanak do kaanu balajal naza do online tu sabab no do sabab pointantu, kaampai o au vavasi kapaapanao do internet, toi aiso lotilik, nga koiguno kozo do umampai/mamung id diti balajalan nokomoi, o mokiki'ia ngaavi, ii kivaa diho kaganapan ngaavi nokomoi. Hizoon/poguhuonon do mohoing ngaavi o balajalan kotumbazaan

do tanak ngaavi dioho om potontuon do pointindapou do balajalan katekism o tanak ngaavi dioho do ontok tadau om timpu pinatantu do katekis dioho.

ii. Kaampazan topulokis

Kivaa kaantakan ngaavi do papasangon po dii mokiki'ia ngaavi ii online om pisokon no ii video. Om ii nodii do au koiho ii katekis do totootopot pointanud, ko au, dii balajalan ii mokiki'ia. Dadi mimang tokou do sakadai do mohoiing/tina om tama ngaavi, do papatantu do totootopot pointanud dii toiso-iso balajalan, mantad timpuunon gisom oopusan, o tanak ngaavi dioho.

iii. Kohizaan om koponontudukan do mohoiing ngaavi.

Id diti timpu no, o dazanak ngaavi id kindergarten do momoguno kozo do kohizaan om kopotunudan do mohoiing ngaavi dioho. Monongku-au-giigina kozo doid sakadai do mohoiing ngaavi kumaa doid katekis do id kopotunudan om kopongia'an do kotumbazaan doid tanak ngaavi dioho, maza diho oitan do online toi miagaaga ngaavi diho.

iv. Kopibaasan id piahatan do mohoiing om katekis

Noboos no haid, do kivaa dati mokiki'ia/dazanak ngaavi do au kaanu tumanud/umampai doid balajalan maza do online tu aiso toi au songkuo avasi o internet toi aiso do lotilik toi kaganapan montok diti nokomoi. Sokio do kivaa do ingkaa, nga suuon o mohoiing ngaavi do monongkiboos di katekis om mogium do lahan ngaavi kosudong, id toombo do pointantu do kaanu o tanak ngaavi dioho do tumihombus do monoimo do kopongia'an muubuzu do katekitikal.

Poiingihou zou do toiso-iso paroki kotoguvang mai diti poiinginaman poinsuusuvai kozo, kokomoi do ingkuo o katekism do aazu om kapanau/kaanjul. Ahansan zou do iho tinimungan katekitikal id paroki, id siibo do koponontudukan di faado paroki, kumalaja mai miampai do mohoiing ngaavi do monoguvang diho ponginaman ngaavi. Nga id saviavi iti ahal, i faado paroki mai o manaak do koponontuan panantaban/touvi no.

Touvi no, ohizab zou do poposoou do mohoiing ngaavi do izioho no o katekis-ponimpuun do tanak ngaavi dioho. Unsubon kozo ku poogi o mohoiing ngaavi do monuhuk kozo diti tonggungan, mooi do miampai sakadai di faado paroki om katekis ngaavi, kotihombus o tongomuhok dotokou do balajal do katekism om gumazo/sumukod, i kopionitan miampai di Kinoingan, om id di kotumbazaan Katolik.

**Diau id Kristus,**

**+Most Reverend Julian Leow Beng Kim, DD  
Episcopal President  
Malaysian Catechetical Commission**